

都山由房 招早帝運 瓊陰絳齒
沈得青鸞 安進日賓 蒸池四輪
竟育空遠 珍極魔容 太盡僊離
浩冥思宮

西方八天

龜亭浦中 燕希奇通 莽疇充列
虹景逸臺 宋榭沈曦 虛東嶽嶠
梵寂空歌 卦奧靈都 子景竄瞿
步亨峙由 符止冕律 震芒焰首
柏苔星蘇 梵津演神 韻慶牛張
微陳篤僊

北方八天

開敷秀名 丹精播乾 化樂自幾
升斗乘玄 注盡隸允 無真妙雲
迪門求叔 碧圓用天 湛餌輝庸
道字辨鮮 澤蔓蘭龍 女布師珍
咽空敷嘉 瑤滋辨真 狄陀微胡
長規擊人

道言此諸神符布化之天所現赤書大梵隱語無量之音舊文流演天門樓觀館軒之上

天真皇人紫筆錄之字方一丈八角垂芒曲麗道妙施於十方上下以為神靈寶符之文也有知其音能齋而誦之或以丹青一天八字為符用之大驗諸天皆遣度符神王真符真若太一使者下觀其身書其功勤上奏諸天萬神朝禮地祇侍門大勳三界保舉上真道備冠得遊行神景昇入帝闕此音無所不辟無所不覆無所不度無所不成天真自然之音也故誦之致飛天下觀上帝遙唱萬神聽命三元侍軒羣袂束首鬼精自亡空洞泛響海嶽凝煙天映碧彩地秀丹連淨朗宛然萬氣回旋靈文廓爽招集羣仙上無氛穢下無秋塵冥慧洞清大量玄玄也

元始無量度人上品妙經卷之三十八

靈寶無量度人上品妙經卷之三十九 第九
南宮延生品

道言昔於丹靈天中絳彩飄歌朱陵昌土受元始度人南宮延生無量上品元始天尊當說是經周迴十過以召十方始當詣座天真大神上聖高尊妙行真人南昌上宮天機內省延生保僊上真道君南宮延生天機上相真宰天機上吏真宰天機真僊真宰天機直神真宰丹元僊官三元僊官天機都吏甲騎神吏無執數眾乘空而來彤霞神霄寶輿丹輪鳳蓋垂蔭流明紫炁九色蔚蔚洞煥太空六日六夜南昌上宮星樞守躔候鼓不鳴龍嶽水刻玉滴停注煙旗浮空霧帷卷香樞機二省十官乘笏嚴領局部神風輕襲虛海澄映天容廓清氣界昭曠一國地土山川林木緬平一等無復高下土成柔玉紺膩純明洞徹圓羅無有異色眾真侍座元始天尊玄坐空穹六龍戲珠文昇雲錦之座說經一遍諸天大聖同時稱善是時南昌宮中天機內省注上兆庶延生保僊之名萬億論計得仙之

人九萬餘條說經二遍南辰朱華映滿碧虛雲網縈回理衡蚪屈說經三遍琳瑯振韻讚美洞章說經四遍南宮啓關生育萬靈說經五遍天機流運五德平昌說經六遍五星搖光萬神協慶說經七遍僊算無終世壽遐遠說經八遍真魔降券度兆延生說經九遍雨花盈尺天香合雲說經十遍世無天折崇慕靈真是時一國是男是女莫不傾心皆受護度咸得長生

道言是時元始天尊說經一遍東方無極無量品延生至真大神無鞅之眾浮空而至說經二遍南方無極無量品延生至真大神無鞅之眾浮空而至說經三遍西方無極無量品延生至真大神無鞅之眾浮空而至說經四遍北方無極無量品延生至真大神無鞅之眾浮空而至說經五遍東北無極無量品延生至真大神無鞅之眾浮空而至說經六遍東南無極無量品延生至真大神無鞅之眾浮空而至說經七遍西南無極無量品延生至真大神無鞅之眾浮空而至說經八遍

西北無極無量品延生至真大神無鞅之眾浮空而至說經九遍上方無極無量品延生至真大神無鞅之眾浮空而至說經十遍下方無極無量品延生至真大神無鞅之眾浮空而至十遍周竟十方無極南宮延生天真大神一時同至一國男女傾心歸仰將聞元始天尊宣示南宮延生之法成真之要各相謂言我等位證天人住諸天中未聞天司名品居處統治三元生死罪福功過所在南宮延生但知大略南宮上宮為南極長生大帝君之總司延生之所復在何治有何典宰主吏三元之民當何祈請遂獲延生將享無極今日天尊數陳綱括開曉天人我等宜各精心歸依大法修證前詣再拜稽首來者有如細霧密雲無鞅數眾迷國一半土皆偏脂非可禁止一切大眾圍繞座側瞻仰靈顏觀聞妙法元始俯仰四顧攬几廻天儼紫金光容發言宣告大眾曰夫天地定位君臣乃立三

大上帝設官布政分治三元紫微太微為兩極之司以主生死世人罪福僊真功過紫微

曹局係於北斗太微案據隸於南辰紫微天官之司則有太玄都省以統三官太微大君之司則有天樞天機二省以延注生命校領羣靈南斗第五星曰天樞第六星曰天機樞機二省為上帝之內司長生大帝正所御也

天有三省以治三元則樞機之司並屬於南宮上宮即太微宮也三省之內金闕侍中上相上宰侍郎僊卿司命以共治之兆能長齊奉詞天機省中懇禮長生大帝嚴備供養勤誠不替則有九天探察考校真官按兆功過上聞機省則上相注筆為兆延生壽無紀極不必丹芝可俟僊道大眾欣躍乞獲詳教渴行聖言於是元始懸一寶珠大如黍米在空玄之中去地五丈元始登引天真大神上聖高尊妙行真人天機內省上相真宰靈官直符甲卒統騎南宮延生無量大神十方無極至真尊神無鞅數眾俱入寶珠之中天人仰看惟見拂拂從珠口中入既入珠口不知所

此之時喜慶難言法事粗悉諸天復位修款之間寂無遺響是時天人遇值經法普得濟度全其本年無有中傷傾上歸仰咸得延生不殺不害不嫉不妬不淫不盜不貪不欲不憎不相言無華綺口無惡聲十二善行專則延生南宮自聞天機列言七世命儂齊同慈愛異骨成親國安民豐欣樂太平經始出教一國以道預有至心宗奉禮敬各得度世道言元始天尊說經中所言並是上帝南宮延生內名隱韻之音亦是天機省中上相內諱百靈之隱名也齋戒誦之直符詣天機省乞延生之錄太上度南宮之契兆得延生永世長存非世之常辭上聖已成真人通玄究微能悉其章誦之十過諸天遙唱萬帝設禮南宮延生天機紀齡雙景照頂泥丸返精華魔束形鬼虜滅爽回屍起死白骨成人至學之士誦之十過則大君流遷三省言功履籍喪眼鬼秋滅爽濟度垂死絕而得生所以爾者學士穢氣未消體未洞真召制百神威未制天政德可伏御地祇束縛魔靈但却死而

已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量為萬道之宗魏魏大範德難可勝

道言凡誦是經十過諸天齊到南宮中天天機省軍上相真君請長王大帝玉京龍文九雲之書靈寶錄統僊驅吏八鶴真符告下鄭山泉曲之府使億萬萬祖幽魂苦爽皆即受度上升朱宮格皆九年受化更生得為貴人而好學至經功滿德就皆得神仙飛昇金闕遊宴玉京也上學之士修誦是經南極丹元左靈仙府真官直符神吏為兆延生皆即受度飛昇南宮世人受誦則九元八極四斗三真十二仙官教兆隱遷延生長年後皆得作尸解之道魂神暫滅不經地獄即得返形遊行太空此經微妙普度無窮一切天人莫不受度無量之福生死蒙惠上天所寶不傳下世至士齋金寶教心盟天而傳輕泄漏慢殃及九祖長役治官侍經南宮玉童玉女各二十四人營衛神文保護受經者身

道言正月長齋誦詠是經南宮延生長生大帝教太玄九仙君太虛無上君太上九老仙都君為兆開心通幽洞冥為上世亡魂斷地速復度上南宮七月長齋誦詠是經南宮延生天機上相告太虛紫元洞陽元君太素仙元君太上秀樂君為兆辟妄長獲至真身得神仙南宮書名黃籙白簡削死上生十月長齋誦詠是經南宮延生金闕侍郎請玉華洞靈君玉華紫靈君元丹中皇君為兆護身忠事至尊孝友一門為國王帝主君臣父子安鎮國祚保天長存世世不絕常為人君安鎮其方民稱太平八節之日誦詠是經南宮延生玉清三皇大帝華陽仙君紫靈仙君洞陽仙君開北八關得見真仙得為九宮真人本命之日誦詠是經南宮延生長生大帝教太極仙君清靈仙君九光仙君十華仙君延兆生藉教罪超神魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室

東向叩齒三十二通上閻三十二天心拜
三十二過閉目靜思身坐紫赤絳三色雲
氣之中內外蒼冥有青龍白虎朱雀玄武
獅子白鶴罩列左右南宮天機相宰神官
俱降兆前日月照明洞煥室內項生圓相

光映十方如此分明密呪曰

無上玄元太上道君召出臣身中三五功曹
左右官使者侍者玉童傳言玉女五帝直符
直日香官各三十二人闡啓所言今日吉慶
長齋清室修行至經無量度人願所啓上徹
徑御

無上三十二天元始上帝至尊几前畢

引卷三十二過東向誦經

元始無量度人上品妙經
元始洞玄靈寶本章南宮延生上品天機度
人太微隱韻離合自然混洞赤精元无上真
化爲南極六司高宸天樞統兵總御三元天
機內省天政所干統攝南宮主枝延生元始

祖劫化生諸天開明兩極水火天根上無復
祖惟道爲身九龍靈書八鸞真文攝氣命仙
召靈招真十極飛報玉章瓊文三省開麻普
植神靈太玄都糾樞機輔丞持印執法八天
鳳文無文不先無文不明無文不立無文不
成無文不度無文不生是謂大梵天中之天

鬱靈蕭臺玉山上京上極無上大羅玉清眇
眇劫刃若亡若存三華離便南昌妙庭金闕
玉房森羅淨靈神霄梵氣周迴十方中有南
宮延生之神中有南極長生大帝君中有神
府青華帝君中有天機上相上吏真神真宰

真君中有延生司馬大神中有好生主錄韓
司丈人真君中有南上司命司錄延壽益算
度厄尊神迴駭起死無量度人今日校錄諸
天臨軒

東方無極延生注善神王長生大聖無量度
人
南方無極延生考察神王長生大聖無量度
人
西方無極延生賞功神王長生大聖無量度
人

人
北方無極延生枝錄神王長生大聖無量度
人
東北無極延生定品神王長生大聖無量度
人

東南無極延生紀壽神王長生大聖無量度
人
西南無極延生上奏神王長生大聖無量度
人
西北無極延生僊詰神王長生大聖無量度
人

上方無極延生帝司神王長生大聖無量度
人
下方無極延生巡省神王長生大聖無量度
人

十方至真南宮延生神王長生大聖無量度
神並乘紫雲琅與朱輦華蓋碧輪駁駕丹鳳
五色青龍建火鈴制魔之節六甲召真靈稽
前甯九部齊唱後吹八樂同鳴飛空遊僊嘯
歌雍雍五帥啓塗四靈翼轅憶乘萬騎浮空

1101) A A 1102

而來傾光廻駕監真延生天機丞相南昌上
 宮韓司主宰延生大神執錄把籍齊到帝前
 隨所應度嚴投諸天兆能投誠奏告南宮操
 紀生命月日時年奏章通詞洞館隱天詣南
 昌上宮天機內省金闕侍郎南上司命靈虛
 真僊注筆丹籍延生續年已枯復禁已殘復
 完已滅復起已朽復堅天機上生錫兆長生
 普告三界無極神鄉泉曲之府北都羅鄩三
 官九府十二河源上解祖考億劫種親疾除
 罪簿落滅惡根不得拘留逼合鬼羣南宮符
 命時刻昇遷北都寒池部衛形魂制魔係舉
 度品南宮死魂受鍊仙化成人身身受度劫
 劫長存隨劫輪轉與天齊年永度三塗五苦
 八難超凌三界逍遙上清上清之天天帝洞
 機無色之境梵行

東方八天
 玉曆司仁天 帝慈持宗元
 化植蒼靈天 帝廣繫儀王
 道華秀功天 帝純平子夸
 寶宸妙生天 帝冲玄定僊

太玄靜真天 帝慈持宗元
 遵德慈想天 帝廣繫儀王
 崑龍布和天 帝純平子夸
 清丘洞夷天 帝冲玄定僊
 南方八天
 正紀黃元天 帝覺浮丹明
 朱房簡真天 帝絕洞九方
 曲化耀威天 帝恬昭延生
 炎正宗成天 帝殿公維良
 皇極變成天 帝放鐸卒馳
 丹明感僊天 帝鍊歸牧玄
 飛龍震燭天 帝育根秘懷
 神闕絳玉天 帝淳案嘉萌
 西方八天
 七靈素明天 帝虎襄威
 機輪皓都天 帝勝元行光
 靜生太无天 帝自真定開
 清明回光天 帝監印主收
 敢司正刑天 帝制慈檢冥
 道嚴戒城天 帝曜道萬昌

正一天師清微弟子洪百堅 製作

玉龍昇炳天 帝昇奇集神
 盈虛總靈天 帝對神把真
 北方八天
 朝極靜順天 帝烈華至彬
 履剛召靈天 帝常祐柯重
 玄真海遠天 帝伯赤飄光
 玄洞五雲天 帝島廻樞純
 金呈禁理天 帝係撫慶明
 玄靈斗宮天 帝契超熱宗
 萬福帝皇天 帝善持揭藍
 玉雲靉龍天 帝母精羅源
 三十二天三十二帝南宮隱諱南宮隱名天
 中空洞自然靈章太微隱韻太微之音太微
 之尊南昌之神天機真宰南宮之靈九府十
 曹飛報上清無量之奧深不可詳數落神真
 普度天人今日欣慶受度延生永固歷闕諸
 天請滅眾惡斬絕地根超度五苦名列大玄
 東斗主算西斗記名北斗落死南斗上生中
 斗大魁總監眾靈青帝護魂白帝侍魄赤帝
 養氣黑帝通血黃帝中主萬神無越青靈真

官吉多真伯赤錄真官擊山擊石白錄真官
 黃越赤靈黑錄真官銜雷鐵腹黃錄真官天
 道神力五錄真官萬神之宗飛行鼓從總領
 儀兵虎撞鼓節遊觀南宮威聲赫奕帝者言
 功南昌墳生嚴攝北鄴神府受命晉掃不祥
 神龍吐毒天馬四張金精前驅飛神仗幡擲
 火萬里流鈴八衝敢有干試拒遏上真金鐵
 前戮流火後刑屠割鬼夷炎飄無停千千載
 首萬萬剪形魔無干犯鬼無祿精三官北鄴
 明檢鬼營不得容隱金馬驛程善告無窮萬
 神咸聽三界五帝列言上清
 大洞啓曆道合自然恍惚結氣界域斯張君
 父臣民列職分序凝玉為京初易龍康帝出
 而治左右紀綱三宮肇基三省開張三府總
 司安廣維防眇眇億劫混沌之中上空無色
 下空無淵風鼓潭洳水堅為山空生土金
 剛乘天天有萬官命世經天天下天下無幽
 無冥無形無影無極無窮自然神化變造形
 容溟溟大梵與道合同民有耳目不知視聽
 潛默漢味遼廓無光赤明開圖運度乃宣元

始安鎮數落五篇赤書玉字八威龍文保制
 劫運三界長存符變優真官司巨鄰氣復成
 符象與空淪梵氣彌羅萬範開張元綱星舍
 隨氣流演三十二天輪轉無色周迴十方蔭
 蓋乘車階登紫房太玄都司大料植彊旋樞
 座機據斗建綱投帶三省統統南昌順行六
 儀回度五常三十五分總氣上元八景冥合
 氣入玄玄上帝樞機天之喉舌下應體躬心
 目為玄玄中太皇南宮延生上帝高真泛景
 太霞嘯詠洞章全真明郁流響泥丸雲營在
 中白珠連連玉音攝氣耳聽鐘絃靈風自徊
 百神聚煙紫虛鬱秀翰翼萬億千和萬合自
 然成真真中有神長生大君青華左公玉妃
 右神高上道王執玉垂神太一在前司命在
 後桃康合延吐英喻秀執符把錄保命生根
 閱籍南宮請算北元上遊上清出入華房八
 冥之內細微之中下鎮人身樞為腦空不動
 者空絳宮為機索幽見微中理五氣混合百
 神十轉理精萬氣齊僊南宮延生無量度人
 機開八門飛天法輪罪福禁戒宿命因緣普

受開度死魂生身身得安生上聞諸天諸天
 之上各有生門中有空洞謠歌之章真聖靈
 篇辭參高真
 第一南宮延生天機上相飛空之音
 天機據搗 帝宮維南 欲延爾生
 無引機轉 機軸不動 道大勿用
 機轉相馳 不病則死 天機秉物
 召則應之 善惡功過 率聞帝司
 機靜神動 僊飛南宮 謹機秘真
 卓為靈人 運機以天 道法自然
 運機以心 喪精失身 心目為機
 身以四時 我握其實 上帝所知
 第二南宮延生天樞上相之章
 六星在南 上通朱陵 爰爰丹青
 絳闌形庭 環樞者空 空體無形
 無形不動 孰使其靈 靈無使從
 惟帝是膺 天政以常 勿伐勿矜
 有相若助 徒為主名 靜而無為
 道以公平 象彼泥丸 中居至神
 混與空合 百數自生 大樞任成

1-111264-10

無得無名 我駕飛瓊 下觀億程

第三南宮延生長生大帝歌曰

電輪舞空 命駕神宮 雲旗耀熠

紫雲光襲 下有萬億 龍翼我軼

紫霞為蓋 天衣河帶 樂攜高上

席宴華重 南昌列言 道濟真功

注善延生 勳駕儂宗 人無私機

正意為師 情念鋒起 招魔致鬼

儂聖殊超然 豈獨長生已 浮身八景間

俯眇青圓羅 丹林覆諸天 玉音揚洞歌

憫此塵中人 一瞬隨流波 燒香捧靈篇

真人自來過

此三界之上飛空之中真王歌音音參洞章
誦之百遍名度南宮誦之千遍真儂保迎萬
遍道備飛昇太空過度三界位登儂公有閑
靈音真王教形教制地祇侍衛送迎拔出地
尸五苦八難七祖昇遷永離幽關魂度朱陵
受鍊更生是謂無量普度無窮有秘上天文
諸天共所崇泄慢墮地獄禍及七祖翁
道言此二章並是諸天上帝及南宮延生隱

秘之音統明樞機之司為上帝喚吉心目之

任皆隸南昌上宮為金闕之要地兆能長壽

封章奏告謁詣真靈上吏真宰敷功列言為

其延年身享天福澤遠後昆皆是大梵之言

非世上常辭言無韻麗曲無華宛故謂言真

難可華詳上天所寶秘於玄都高上神霄玉

清王府道合治世應法以傳若有至人齋金

寶質心依舊格告盟玉清然後而付焉

道言夫天地運度否終日月五星虧盈至聖

神人休否末學之夫疾傷凡有此災同氣皆

當齊心修齋六時行香十過轉經福德立降

消諸不祥無量之文普度無窮

道言夫末學道淺或僊品未充運應滅度身
經太陰臨過之時同學至人為其行香誦經
十過以度屍形如法天機上相為開南靈延
生續命之簡注記善功魂神便上南宮隨其
學功計日而得更生輪轉不惑便得神仙
道言夫天地運終星宿錯度日月失輝四時
失度陰陽不調國境歲災疫毒流行兆民死
傷師友命過皆當修齋行香誦經夫齋戒誦

經功德甚重上消天災保鎮帝王下獲壽

以度兆民生死受賴其福難勝故曰無量普

度天人

道言凡有是經能為天地帝王兆民行是功

德有災之日發心修齋燒香誦經十過皆諸

天記名萬神侍衛右別至人尅得為聖君金

闕之臣諸天記人功過亮分無失天中真王

亦保舉爾身得道者乃當洞明至言也

諸天中大梵隱語無量音 道君撰

元始靈書南宮延生秘篇

東方八天

妻胃極樞 奇延重波 綽摩慶將

陸徒凝帝 抱能興生 仗儂獨麗

銳伯麟元 綿洪鸞職 角飛兼羅

吻悅遷慧 越嘉童胎 雲鐸府位

梵方應落 彌迢緣邊 辟都登廟

丙寧盈殿

南方八天

烏東寧馳 畢蒼充回 壯轉哀淵

星柯監推 霄運謹韜 闕時沂泉

耀芒赤奕 龜蹊宜陳 聚掌滅魁
 寂虛歷聽 號及都利 軒冲格真
 漸旻蘇康 嶽靈衝滿 正并狹宥
 棘羅達辰

西方八天

灝景太華 高韓附瑾 變清沈滅
 萌泉順忻 曜篋剛式 璞持妙成
 梵度元品 恢漠連瀆 常融殊立
 敵乾峻屏 混化開允 偃池顛因
 樞關嚳都 避艾魚園 質傍樊儲

遍蕩拔奔

北方八天

玄漢巨漢 騰輪映陽 龍堅華育
 惠班至莊 答落正位 照艾虛危
 錫河律多 稟察興和 瓚籟幽仰
 祀靈鈇達 晦洞室育 俛墮焚教
 竺洛紀籍 燕坤呈魔 內殺醜祇
 玉延終壁

道言此諸天中大梵隱語無量之音舊文刻
 書南宮鳳臺之上召南極斗機真人開北玉

曆延生永世拔度七祖帝澤千重身飛金房
 書籍朱童字皆廣長一大長生大君昔寶其
 天以為正音有知其音能齋而誦之者諸天
 皆遣定真神王下觀其身書功勤其王奏諸
 天萬神朝禮地執侍門大功真王保舉南昌

道備尅得遊行三界昇入神霄

此音無所不辟無所不穰無所不度無所不
 成天真自然之音也故誦之致神王下觀上
 帝遙唱萬神朝禮三界侍軒羣杖束首見精
 自亡琳瑯振響十方肅清河海靜默山嶽吞
 煙萬靈振伏招集羣僊天無氣穢地無秋塵
 冥慧洞清大量玄玄也

元始無量度人上品妙經卷之三十九

靈寶無量度人上品妙經卷之四十

北都除殃品

道言昔於紫元天中流雲飄歌太玄光土受
 元始度人北都除殃無量上品元始天尊當
 說是經周迴十過以召十方始當詣座天真

大神上聖高尊妙行真人北都大帝羅鄴羣
 真北方斗牛女虛危室壁七宿星君北斗司
 命北都司察官曹掾吏北都飛騎立斗大神
 北都黑甲五氣魁吏冥冷大神北都九醜捉
 殺五天元帥除殃神王無鞅數眾乘空而來
 蒼霞紫瑛之與鑿壁山雲之葦碧蓋垂蔭玄
 精玉光海色鬱凝洞煥太空七日七夜諸天
 層輪止虛辰緯停度龍山息鼓玉璣不行神
 風靜籟散雲散影天德高清坤維靜粹一國
 地土山川林木緬平一等無復高下土皆作
 碧玉無有異色衆真侍座元始天尊玄坐空
 浮六明純耀九宮混氣瓊山寶牀之上說經
 一遍諸天大聖同時稱善是時一國男女以
 念道力故豁然心開明悟下世生民先因積
 業罪報不停結繫羅鄴若非聞經殃不可除